

# 1 PEDRO

## 1 Pedrodih jwí tui beh joyát pínah naáwát

¿Dêhe tigaá daácniji? Pedro, Jesús á bohéni, á naáwát tétutniji nin núodih át daacáp wut jî.

¿Detdih át daácji? Jesúfhwá Ponto baác, Galacia baác, Capadocia baác, Asia baác, Bitinia baácndih moondíh át daác wahap wut jî. (1.1) Caán baácna Romanowá í jumni baácna á jumchah, “Queét judíowá nihcannit, Jesúsdih í jepahat pínah játih, Romanowá ded pah ípí chájat pah queébtut yeejép ít chájap wut jî. (1.14,18; 2.9-10; 4.3) Jesúsdih í jepahat túttimah, táinidih í tétut nuumát jiiib bitaboó queétdih ít íjijip wut jî. Caán baácndih moón í maátabut queétdih yeejép ít chájap wut jî. (1.6; 2.12; 3.17; 4.1-4,12-19)

¿Dedmant, débólih cah, át daácji? Pedrojeh “Babilonia tútchiboó” á jumatdih át daacáp tajî. (5.13) Chah jéihnitboó “Babilonia tútchi yobát nihcan, Roma tútchidih niijná át chájap wut jî”, í niij jengah joiná caá. Bitaboó “Éufrates muj búwá jumni bainí tútchi, Babilonia wut jumni tútchidih niijná át chájap wut jî”, í niij jengah joiná caá. Dawá jéihnit, “Nin núodih jópchi 60—65 (Jesús á wunat túttimah 27—32 jópchi túttimah) át daác wahap wut jî”, í niij jengah joiná caá.

¿Dedé pínah tigaá át daácji? Búdí yeejép í yapachah jéihnit, queétdih weñáihna, Dios queétdih búdí á oyatdihbut náhníahna, Pedro nin núodih át daác wahap wut jî. (5.12)

Ded pah 1 Pedro á jumát:

1. Queétdih á túyat tútat (1.1-2)
  2. Diosdih á wéi naáwát (1.3-13)
  3. Jesúfhwádhíh á tui chájat tútat (1.14—2.10)
    - a. Dios jwiít áihwádhíh á tui chájat tútat (1.14-25)
    - b. Jwiít Jesúfhwá ded panihat pah jwí jumát (2.1-10)
  4. Jesúfhwá ded pah jwí tui chájat pínah (2.11—4.6)
    - a. Tui chájat caá náahap, bitaboó í en yacat pínah (2.11-12)
    - b. Maátadih jepahat (2.13-17)
    - c. Teo wühnit ded pah í chájat pínah (2.18-25)
    - d. Yaádh í weha mánadih, neoná í weha mána yaádhíh ded pah í jumát pínah (3.1-7)
    - e. Nihat Jesúfhwá ded pah í chájat caá náahap (3.8—4.6)
  5. Jesús waícanjeh á jwúub dei júúwát pínahdih jéihnit, áihwá ded pah jumát caá náahap (4.7-19)
    - a. Bitadih tui teo wáacat caá náahap (4.7-11)
    - b. Yeejép jwiítídh í yapachah yuhna, tui wéinit jumát caá náahap (4.12-19)
  6. Pedro biquína poómpdih á wutat (5.1-11)
    - a. Jesúfhwádhíh waóhmitdih (5.1-4)
    - b. Japatadih, nihat Jesúfhwádhíhbut (5.5-11)
  7. Queétdih Pedro á péé túyat tútat (5.12-14)
-

**Pedro queétdih á túyat túutat**

**1** <sup>1</sup>Weém, Pedro, Jesucristo áih doonádih naáwát túutni jumna, yeéb Jesúfhwá bífh baácna jweí peétnitdih wá daác wahna caá. Ponto baácna, Galacia baácna, Capadocia baácna, Asia baácna, Bitinia baácna jwei béjnitji ní jumna caá. <sup>2</sup>Jon játih áihwá ní jumat pínah niijná, jwí íp Dios á náahat pahjeh yeebdíh át nífojip taga. Páant á níonit ní jumuchah, Túini Espíritu á teo wáacatjìh túiniboodíh túut nuumná caá ní chájap. Jesucristodih ní túi jepahat pínah, áih meépjìh ní yéejatdih chocnit pah ní jumat pínahbut niijná, Dios yeebdíh át nífojip taga. Dios búdí oinit, yeebdíh á teo wáaca naáh, ní túi jumat pínah niijná.

**Túí wéi páinit jwí jumat**

<sup>3</sup>Jwí Maáh Jesucristo ípdih búdí jwí wéi naóh jífh. Caanjéh tigeá jwiítidih jígah en teo wáacnit, Jesucristo wunnijidih át jwúb boonanp tají, jáap cáac jumnit panihnit jwí jumat pínah niijná. Pánih jumnit, jwííh bácah á wunuchah yuhna, jwííh caolih Diosjeéh á pehbóo páantjeh á jumbipna caá. Pánihatdih jéihnit, jwí wéi páina caá. <sup>4</sup>Caán túyupboó jumna, jwí jwúb wuncan níit, buca. Dios túini yoobát á jumatdih ennit, caandíh bainí jwí wéican níit. Caanná jwí juibínachah, túini á wúhat pínahdih á bíboh páina caá. <sup>5</sup>Caán péeni yeó jáapdihjeh Dios jwiítidih á túut nuúm péabipna caá. Páant á túut nuúm péaat túut niijná, caandíh jwí túi jenah joyóchah, á wépatjìh iiguípna jwí bejat déejidih á túi wapna caá.

<sup>6</sup>Páant á wapatdih jéihnit, daocánni yeó jáapna yeejép yapna yuhna, ní túi wéina caá. <sup>7</sup>Oro yoobát á jumatdih jéihíhna, cáacwá caandíh í puébh enna caá. Obohjeéhtih, oro búdí jíib jumna yuhna, á buúdbípna caá. Jesúsdiyh jwí túi jenah joyátboó oro á jíib jumat chah á jíib jumna caá. Yoobópdih Jesucristodih

túí jenah joiná, dedé yeejép yapna yuhna, caandíh jwí cádahcan níit. Jwí túi jenah joí cádahcah, Jesucristo jwúb dei jéóhnit, búdí wéina, “Ma túi chájna beé”, jwiítidih á niijbípna caá.

<sup>8</sup>Caán Jesucristo nin baácboó á jum jwuhuchah, yeéb caandíh encannitji yuhna, ní oina caá. Búbut caandíh encan yuhna, túi jenah joinít, bainí ní wéican caá. <sup>9</sup>Pánih túi jenah joinít ní jumuchah, iiguípna ní bejat déejidih Dios yeebdíh á túi ubna caá.

<sup>10</sup>Dios cáacwáidih oinit, í yéejat jíib iiguípna bejat déedih á túi ubat pínahdih jon játih Dios naáwátidih naóh yapanitji íit daacáp wut yuh jí. Pánih daácna yuhna, queétjeh caandíh íit beh joicáp wut jí. Pánih beh joicán, búdí jéihíhna, queétjeh íit míic úbhh joyóp wut jí.

<sup>11</sup>Cristo yeejép á yapat pínah, boo pud jéóhnit, á maáh waadát pínahdihbut Túini Espíritu queétdih át jéihyanap wut jí. Páant á jéihyanachah, “¿Débólih tigeá Cristo á jéóhbi? ¿Páant á jéúwáchah, ded panihat tigeá á jumbi? ¿Ded pah tigeá caandíh jwí beh enbi?” ípí níj míic úbhh joyóp wut jí. <sup>12</sup>Pánihna, Túini Espíritu queétdih naóhna, ííh pínah nihcan, buú láa moóníh pínah á jumatdih át jéihyanap wut jí. Páant í joiníji túini doonádihjeh Túini Espíritu á wépatjìh yeebdíh bita íit naáwáp wut jí. Caán doonádih Dioíh ángelwábut búdí í jéihíhna caá.

**Ded pah jwiít Jesúfhwá jwí jumat**

<sup>13</sup>Dios jwiítidih nihát á túi chájatdih náhninit, túi jenah joinít ní jumú. Yeejép chájat jenah joyátidih páantjeh jumah bojnit, Jesucristo á jwúb dei jéóhnit, jwiítidih ájeéh á ub bejat pínahdih ní túi wéi pánaá. <sup>14</sup>Jesúfh doonádih joí jwúhcan, ní náahat pahjeh níit chájap taga. Obohjeéhtih, buú caandíh jéihna, ní jwííh jumatji pah ní chájca bojoó. Dios weh jumna, caandíh túi jepahnit ní jumú. <sup>15</sup>Pánih jumna, yeebdíh níoni Dios túini yoobát á jumat pah, yeebbát ní túi chájaa. <sup>16</sup>Jon játih Dios naáwátidih naóh yapani nin pah át

\* 1.1 Stg 1.1 \* 1.3 Jn 3.3-7; Ro 6.4-13; 1P 1.22 \* 1.8 Jn 20.29

nij daacáp tají: “Weém caá yéejat wihcanni. Páant wá jumát pah, yeebbút yéejat wihcannit ñi jumúá”, Dios á niijná caá, át nij daacáp tají.\*

<sup>17</sup>Diosdih úbhna, “Paá”, ñi niijní, nihat cáacwá ded pah í chájatdih í enna caá. Páant á enatdih jéihnit, nin baácboó táoh jibnit dée ñi jum jwuhuchah, tíic jenah joinít, á peéh chájatdih úmna, yéej chájcat caá náahap. <sup>18</sup>Ñi ñuwá í wutatji dedé pínah niican caá. Queét í wutatdih jepahnit ñi jumuchah, Cristo ñi yéejat jíib buudáát panihnidih át jíib chájap taga. Pánih jíib chájna, platajñh, orojñh yeebdíh át jíib chájcan tagaá. Plata, orobut á buudáh bejbipna caá. <sup>19</sup>Obohjeéhtih, Cristoboó táini yobát oveja wúh panihni jumna, wun wúhñit áih meépñh ñi yéejat jíib buudáát dih át jíib chájap taga. Caandíh ñi téi jéihna caá. <sup>20</sup>Nin baácđih á chájat pínah játih, Diosboó Cristo ded pah á yapat pínahđih átát jenah joyóp wut jí. Páant á jenah joiníi Cristodih á wahachah, yeebdíh teo wáacat túut niijná, buu át cáac jumup tají. <sup>21</sup>Pánihna, Cristo á teo wáacatjñh Diosdih jepahnit ñi jumna caá. Cristo wunnijidih jwúub boonanit, á pebhboó ub ráuh laab béjnit, ájeéh bícdih wutni pínah Dios maáh át waadánap taga. Pánihatdih jéihnit, Diosdih téi jenah joinít, jwúub boonanit, á pebhna yeebdíhbut á ub bejat pínahđih ñi jéihna caá. Caandíh jéihnit, ñi wéi páina caá.

<sup>22</sup>Jesucristoñh táini doonáđih jepahnit, yéej chájatdih ñit cádahjip taga. Pánih cádahñit, bífc weh pah Jesúfwáđih ñi túi mífic oina caá. Pánihna, “Meemđfh wá oina caá”, niijnít, queéđih ñi téi teo wáacá. <sup>23</sup>Yeéb jáap cáac jumnit panihnit Dios weh ñi jumna caá. Jwí mána í cáac jumát túttimah, ípí wunna caá. Obohjeéhtih, Dios weh jwí jumuchah, caan pánhcan caá. Dios naáwát báadhni panihni jumna, caandíh jepahnitdih á téi túut ñuunná caá. Caán naáwát páantjeh á jumtipna caá.\* <sup>24</sup>Jon játih Dios naáwátđih naóh yapani nin pah át nij daacáp tají:

“Yílip á diib téh wunat pah muntih, cáacwábut ípí wunna caá. Ded cháa, táini jumna yuhna, maátcanjeh jum jwuhnit, á yúug jéenna caá. Caan pánihni cáacwá wépnit jumna yuhna, maátcanjeh jum jwuhnit, ípí wunna caá.

<sup>25</sup>Obohjeéhtih, Dios naáwátboó á buudcán niit”, át nij daacáp tají. (Is 40.6-8)

Caanjéh tiguaá yeebdíh í naóhñiji táini dooná.

**2** <sup>1</sup>Pánihna, buu Dios weh jumnit, nihat ñi yéej chájatdih ñi cádah beedánaá. Ñi yeeatdih, “Weém chah táini caá”, ñi nij jenah joyátđih, bíf déedih en ñinahnit ñi íjatdih, bitadih oboh ñi dooná jumátđihbut ñi cádaháa. <sup>2</sup>Pánih cádahñit, Dios naáwátđih jéihñna, caandíh búdí ñi bidíi. Túuh jwuhni wébit jóóh mac búdí ápí bidna caá. Pánih téi nomnit, á téi behna caá. Caan pánihat pah jwiítbut Dios naáwátđih búdí bidnit, téi jenah joinít, á téi behat pah jwiítbut jwí téi behna caá. <sup>3</sup>Pánihna, yeebdíh wá naóhna caá: Dios á oyatdih jéihnit jumna, á naáwátđih téi náhninit, ñi téi jepahaá.\*

#### Cristo choójboó wép teoni jee dáh panihni á jumát

<sup>4</sup>Cristo choójboó wép teoni jee dáh panihni á jumna caá. Muú teonit caán jee dáhdih í náahcat pah, cáacwá caandíh í náahcah yuhna, Diosboó caandíh wéi ennit, át ñiwip wut jí. Pánihni á jumuchah, caandíh ñi téi jenah joyoó.

<sup>5</sup>Yeebbút muúđih í chájat pínah jee dáhna panihnit ñi jumna caá. Páant ñi jumuchah, Dios yeebjñh ñuuj páp aabánit, áih muu pánihni á chájna caá, Túini Espiritu á jumát pínah niijná. Yeéb Dioñh muúboó teonit áih sacerdotewá panihnitbut ñi jumna caá. Pánih jumnit, Jesucristo á teo wáacatjñh cáacwáđih úbhñit pínah, Diosdih wéi naóhñit pínahbut ñi jumna caá. Páant ñi chájachah ennit, “Ñi téi chájna caá”, Dios á niijná caá. <sup>6</sup>Jon játih Dios naáwátđih naóh yapani nin pah át nij daacáp tají:

\* 1.16 Lv 11.44-45; 19.2 \* 1.23 Jn 3.3-7 Stg 1.18; 1P 1.3 \* 2.3 Sal 34.8

“ Weém Jerusalén tátchiboó m̄m̄ pánihni wā chājna caá. Yoobópdih jumni jeé, m̄m̄ choójboó wēp teoni panihnidih nífonit, wā jwejna caá. Caandíh búdí wā wēi enna caá. Ded caandíh túi jenah joiní ā jepahatdih ā jígahcan níit’, Dios ā niijná caá”, āt níj daacáp tajī.

(Is 28.16)

<sup>7</sup>Yeéb Cristodih túi jenah joinít, caandíh ñi wēi enna caá. Obohjeéhtih, jepahcannitboó caandíh ī náahcan caá. Páant ī náahcannidih nin pah Davidji āt níj naóh daacáp tajī:

“ M̄m̄ chājnitboó ī yohni jee dáhdihjeh wíih m̄m̄ pánihnidih chājna, choójboó wēp teoni panihnidih wā níwip be’, Dios ā niijná caá”, āt níj daacáp tajī.

(Sal 118.22)

<sup>8</sup>Isaíasjibut nin pah āt níj daacáp tajī:

“Caán cáacwā ī tóoc buugát jee dáh panihni ā jumbipna caá”, āt níj daacáp tajī.

(Is 8.14)

Páant ī daacátji pah, Dios naáwátidih jepahcan, Cristodih cáacwā ī náahcat jíib, tóoc buugnít panihnit ī jumna caá. Jon játih Dios “Páant ā yapbipna caá”, ā níj jenah joyátji bíic yoobó, Cristodih ī náahcap be.

<sup>9</sup>Obohjeéhtih, yeéboó Dios ā nífonit jumna, áihwājeh ñi jumna caá.\* Pánih jumna, maáhdih teo wūhnit sacerdotewā panihnit bitadih úbhñit caá. Diosdihjeh teo wūhnit yéejat cádahnit ñi jumna caá. Pánihat cáhdih yeebđh āt níwip wut jī, ā túi chājatdih ñi wēi naáwát pínah niijná.\* Pánihna, “Dios weemdíh d̄p̄úát panihp̄mant ub bacanit, baabát panihp̄boó ā jwejep be”,\* ñi níj wēi naóhna caá. <sup>10</sup>Jon játih oboh jumnit ñit jumjip taga. B̄m̄ áihwā ñi jumna caá. Jon játih Dios yeebđh āt jígah en teo wáaquhichah yuhna, ñit jéihcap tajī. Obohjeéhtih, b̄m̄ ā jígah en teo wáacatdih jéihnit, caandíh ñit jepahap taga.\*

### Túi chājat

<sup>11</sup>Wā oinitá, nin baácboó táoh jibnit dée jwī jum jwuhna caá. Dios pehbboó caá jwī yoób jumat pínah yoobát pohba. Páant jwī jumuchah, nin pah yeebđh wā wutna caá: Yeejép ñi chājat jenah joyátidih ñi chājca bojoó. Pánih jenah joinít, ñíh caolihdih ñita yéjea tagaá.\* <sup>12</sup>Yeéb Diosdih jéihcannit cáth̄h jumna, táinijeh ñi jumú. Páant ñi jumuchah ennit, “Queét yeejép chājnit caá”, b̄m̄ niijnítji yuhna, Jesús ā jwáub dei jūóhni yeó jáapdih Diosdih ī wēi naóh̄bipna caá.

### Maátadih jepahat

<sup>13-14</sup>Jwī Maáh Jesús ā jepahat pah, ñíh baácđih moón ī maátadih túi jepahnit ñi jumú. Chah jumni maáhdih, caán nump jumnit maátadihbut ñi jepahaá. Yeejép chājnitdih peéh chājat pínah niijná, túi chājnitdih wēi naáwát pínahdihbut niijná, queétdih ī Maáh āt wahap taga. Pánihna, Jesúsíhwā jumna yuhna, queétdih ñi jepahcah, bita yeebđh ennit, jwī maáh Jesúsđih yeejép ī niijb̄ipna caá. <sup>15</sup>Túi chājnit, ñi maátadih ñi jepahachah, túi jenah joicánnitboó “Queét yeejép chājnit caá”, níjíhna yuhna, ī jéih niijcán níit. Páant ñi chājatdih Dios yeebđh ā náah yacna caá.

<sup>16</sup>Obohjeéhtih, biquína jwī cáth̄h jumnit “Weemdíh wutni wihcan caá”, níj jenah joinít, yeejép íta chājíh taga. Yeéboó Diosdih teo wūhnit jumna, ā náahat pah ñi túi chājaá. <sup>17</sup>Pánih áihwā jumna, bitadih “Caanbút Dios ā chājni mun tígáá”, níj jenah joinít, queétdih ñi túi chājaá. Bita Jesúsíhwāđihbut túi oinit, Diosdih úm̄ñit, caandíh ñi túi jepahaá. Ñíh baácđih moón ī maáhdihbut ñi túi jepahaá.

### Teo wūhnit ded pah ī jumat

<sup>18</sup>B̄m̄ yeéb teo wūhñitdih bainí wā naáwát t̄éut caá. Ñi maáta túi chājnitdih, jūihñitdihbut bíic yoobó ñi túi jepahaá.

<sup>19</sup>Yeéb yeejép ñi chājcah yuhna, ñi maáh ā peéh chājachah, Dios ñijeéh ā jumatdih

\* 2.9 Ex 19.5-6; Dt 4.20; 7.6; 14.2; Is 43.20; Tit 2.14 \* 2.9 Is 43.21 \* 2.9 Is 9.2

\* 2.10 Os 2.23; Ro 9.25 \* 2.11 Sal 119.19

jenah joinit, íjcah, Dios yeebdíh ã wēi enbipna caá. <sup>20</sup>Obohjeéhtih, yeéb yeejép ñi chājat jíib ñi maáh ã puñuchah, ñi íjcah yuhna, Dios yeebdíh ã wēi naóhcan níft. Ma yéejat jíibjeh caá. Obohjeéhtih, ñi tūi chājachah yuhna, yeebdíh ã puñuchah, ñi íjcah, Dios yeebdíh ã wēi naóhbpina caá. <sup>21</sup>Pánihnit pínahdih Dios yeebdíh át níwip taga. Cristoboó yéej chājan yuhna, yeejép yapnit, jwítdih ã wun wūhup jī. Páant yeejép ã yapatjidih náhninit, yeebbút yeejép yapna yuhna, ñi íjca bojoó. <sup>22</sup>“Caán Cristo yeejép chājcan, ã yeecap jī”, Isaías át níj daacáp tajī. <sup>23</sup>Cáacwā caandíh í jūihñuchah yuhna, ã jūih jwúubacap jī. Á tubana yuhna, “Yeejép í yapa naáh”, át níjcap wut jī. Obohjeéhtih, “Wā íip yoobópdih chājni weemdíh, queétdihbút ã náhat pah ã chāja naáh”, át níj jenah joyóp tajī. <sup>24</sup>Caanjéh jwí yéejat jíib cruzboó ã wun wūhup jī, jwí yéej chājatdih cádahnit, táiniboodíh jwí chājat pínah niijná. Áih yahwítjih jwítdih át boonanap tajī. <sup>25</sup>Déhenit ovejawá panihnit yeéb iiguípna bejna ñi chājap yuh be. Obohjeéhtih, buu Cristo ovejawādih en daoní panihnidih ñit jwúub jūóh tagaá, yeebdíh ã tūi wapat pínah niijná.\*

### Áa jumnit ded pah í jumtat

**3**<sup>1-2</sup>Buu áa jumnit yaadá, yeebdíhbút bainí wā naáwát túut caá. Ñi weha mána yeebdíh í wutuchah, jípónih níjcanjeh, ñi tūi jepahaá.\* Biquína ñi weha mána Jesucristodih jepah jwuhcannit, áih doonádih ñi naáwáchah, jófihcanjeh, molít í nem teona caá. Páant í nem teweuchah ennit, yeébbó jwúub naóhcanjeh, táinijeh queétdih ñi jepahaá. Táinijeh ñi jumuchah ennit, ñi jwúub naóhcah yuhna, queéboó Jesucristodih íta jepah tagaá. <sup>3</sup>Chah ñi tūi jígohat pínah niijná, búdí ñi míc jenah joicá bojoó. “¿Ded pah wā tūi jígohbi? ¿Ded pah waó yoócdihbút wā tūi yugh ámoh tajbi? ¿Búdí jíib jumni tūi iigní tōpnadih, búdí jíib jumni yéguéhdihbút ded pah wā duób?” ñi níj jenah joicá bojoó.\*

<sup>4</sup>Obohjeéhtih, Dios ã weh yatá jumna, níih caolih ã tūi jumtat pínahdih ñi tūi jenah joyoó. Jūihcan, tubit wutcan, táinijeh ñi jumúú. Páant ñi jumuchah, Dios yeebdíh búdí ã wēi enbipna caá. <sup>5</sup>Jon játih moón yaádh Diosdih tūi jenah joiná, í weha mánadih jepahnit, tūi jígohnit panihnit ít jumup wut jī. <sup>6</sup>Jwí éet Saraji mijeéh bóo Abrahamdih “Maá”, níijnít, caandíh mípí tūi jepahap wut jī. Pánihna, yeebbút tūi chājnit, úumcanjeh, mí weh yatá panihnit ñi jumna caá.\*

<sup>7</sup>Buu áa jumnit neonádih jwuh bainí wā naáwát túut caá. Yeébbó ñi weha mána yaáhdih búdí oina, táinijeh ñi chājaá, í tūi jumtat pínah niijná. Queét yaádhboó nump wēpnit í jumuchah jéihnit, queétdih ñi tūi en dawaá. Queét yaádhbút jenah joinit í jumuchah jéihnit, ded pah ñi chājat pínahdih ñi míc wéhenaá. Dios yeéb chénat pahdih oinit, át nífojip taga, áihwā ñi jumtat pínah niijná. Pánih jumnit, Diosdih ñi úúbúchah, jáhat panihat wihcah, ã tūi jepahbpina caá.\*

### Jesúhwa ded pah í jumtat

<sup>8</sup>Buu yeéb nihadit bainí wā naáwát túut caá. Bícdih tūi jumnit, ded jígahnidih ennit, bíc yoobó jígahnit, caandíh ñi teo wáacá. Yeéb bíc weh panihnit jumna, míc oinit, ñi míc tūi chājaá. Oboh jumni pah ñi jumúú. <sup>9</sup>Ded yeebdíh yeejép ã chājachah yuhna, yeejép ñi chāj jwúubaca bojoó. Ded yeebdíh yeejép ã níjíchah yuhna, bíc yoobó níj jwúubacankeh, “Dios weemdíh ã tūi chāja naáh”, caandíh ñi níj. Páant ñi chājat pínahdih Dios yeebdíh át níwip taga, yeebdíhbút ã tūi chājat pínah niijná. <sup>10</sup>Jon játih Dios naáwátidih naóh yapani nin pah át níj daacáp tajī:

“Ded tūi wēi jumíhni, yeejép wéhcan, ã yee naóhca bojo naáh.

<sup>11</sup>Yeejép chājatdih cádahnit, táiniboodíh ã chāja naáh. Bitajeéh bícdih tūi jumíhna,

\* 2.22 Is 53.9 \* 2.23 Is 53.7 \* 2.24 Is 53.5 \* 2.25 Is 53.6 \* 3.1-2 Ef 5.22; Col 3.18  
\* 3.3 1Ti 2.9 \* 3.6 Gn 18.12 \* 3.7 Ef 5.25; Col 3.19

jūihcanjeh, queétdih ā tūi oyo naáh.

<sup>12</sup>Pánih chājnitdih Dios wēi enna, ī uúbáchah, ā tūi jepahna caá. Obohjeéhtih, yeejép chājnitdih ā enihcan caá”, āt niŷ daacáp tajī.  
(Sal 34.12-16)

<sup>13</sup>Páant nī tūi chājñhichah, bita yeebdíh yeejép ī chājcan niít. <sup>14</sup>Obohjeéhtih, nī tūi chājat jíib, biquí láana yeebdíh yeejép ī chājbična caá. Páant ī chājatdih ennit, Diosboó yeebdíh ā tūi chājbična caá. Pánihna, det yeebdíh yeejép chājnitdih búdí jenah joicánjeh, nī ūmca bojóo.\* <sup>15</sup>“Cristo wā Maáh caá”, niŷ jenah joinít, caandíhjih nī weñeé. Bitaboó “¿Ded pah chāj tigaá Dios pebhboó wā bejbi?” yeebdíh ī niŷ uúbh joyát pínah játih, queétdih tūi jepahat tūtup niijná, Dios naáwátidih tūi míic bohé páanit nī jumú.\* <sup>16</sup>Páant ī uúbh joyóchah, queétdih oinit, táinijeh nī jepahaá. Pánih jepahna, nī naáwát pahjeh bíic yoobó nī tūi chājaá. Páant nī chājachah yuhna, bitaboó yeebdíh oboh yeenit, “Cristofhwā ī tūi chājachah yuhna, yeejép wā wéhenap be”, niŷ jenah joinít, ī tíicbična caá.

<sup>17</sup>Nī tūi chājat jíib, yeejép yapna yuhna, “Dios páant ā náahachah, ā tūimi nacaá”, nī niŷ jenah joyoó. Obohjeéhtih, yeejép nī chājatjí jíib yeejép nī yapachah, “Wā yéejat jíibjeh tigaá”, niŷ jenah joyát caá náahap. <sup>18</sup>Jwī tūi chājachah yuhna, yeejép jwī yapachah, Cristo bíic yoobó ā yapatjidih jenah joyát caá náahap. Caánboó dedé ā yéej chājcap jī. Pánih yéej chājcan yuhna, jwī yéejat jíib bíic láajeh ā wun wūhup jī, Diosjeéh jwī tūi jumát pínah niijná. Cáacwā caandíh ī mao yohochah yuhna, Tūimi Espírituboó caandíh āt boonanap tajī. <sup>19-20</sup>Cristoíh bācach ī yohopjí íitboó ā laj jwuhuchah, áih caolihboó Noéji jum láa chíic wunnitjí íih caolih chéonit panihnit ī jumupna āt juibínap wut jī. Caanná juibínit, ded pah ā chājatjidih queétdih āt naáwáp wut jī. Í báadh jwuhuchah, Noéjiboó ī yéej chājatdih queétdih átih cádahat tūtup wut yuh jī. Noéwā búdí

jāáj chóodih ī chājat pónih, ā naóhnitjí ī jepahat pínahdih Diosboó maatápdih páina átih chājap wut yuh jī. Obohjeéhtih, ít jepahcap wut jī. Pánihna, pobyit ā jūáwáchah, Noéwā í chíic wuncat pínah niijná, Dios queétdihjih jāáj chóona āt waadát tūtup wut jī. Queéto ocho cáacwābitdihjih āt tūi ubup wut jī.\* <sup>21</sup>Caandíh náhninit, Jesucristodih tūi jenah joinít, jwī daabáatdihbūt jwī jenah joiná caá. Noéwā í chíic wunat déejidih Dios caán jāáj chóojih queétdih āt tūi ubup wut jī. Pánihat dée pah, jwíit iiguípna jwī bejat déejidih Dios Jesucristo ā wun wūhātjñh jwíitdih ā tūi ubna caá. Jwíitdih ī daabánachah, jwíih bācahdih queéto chocat panihni, jwī yéejatdih cádahatdih jwī jūutna caá. Jesucristo jwúub boo pud jūóhna, jwíih caolihdih āt boonanap wut jī, jwī tūi jumát pínah niijná. <sup>22</sup>Caán Jesucristo ā boo pud jūúwát tūttimah, ā íip pebhboó páuh laáb juibínit, Dios ā jéihyepmant bóo bawámant chéudnit, nihāt ángelwádh, nihāt nemépwádh, nihāt nin baácdih moón maatadidihbūt ā wutna caá.

**4** <sup>1</sup>Cristo nin baácboó jum láa, yeejép yapna yuhna, ā ípdih páantjeh āt jepahap wut jī. Pánihna, yeebbút bíic yoobó jenah joinít, wēp ūhñnit panihnit nī jumú. Pánih jenah joiníboó yeejép yapna, ā yéej chājatdih ā cádahana caá. <sup>2</sup>Nin baácboó jum jwuhna, Diosdih jéihcannit ī yéej chājatdih ī nínahat pah nínahcan, Dios ā weñat pínahdihjih ā chājbična caá. <sup>3</sup>Cristodih nī jepahat pínah játih, Diosdih jéihcannit ī chājat bíic yoobó nít chāj jwuhup taga. Dedé yeejép chājñhna, nít chāj jwuhup taga. Babh máihna, míic jūih náacnit, búdí íí náah nít chāj jwuhup taga. Diosdih yap yohna, nī pápniboódh wēnit, yeejép nít chāj jwuhup taga. Būu Cristoíhwā jumna, páant maatápdih nī chājatjidih nī cádahaa. <sup>4</sup>Níjeéh yeejép chāj pej jumnitjiboó būu íjeéh nī jwúub yeejép chājcat enna, “¿Dépanih tigaá jwíjeéh ī jwúub pej jumcan?” ī niŷ jenah joiná caá. Páant niŷ jenah joinít, íjeéh nī jwúub pej jumcatdih enna, yeebdíh yeejép ī wéhena

\* 3.14 Mt 5.10 \* 3.14-15 Is 8.12-13 \* 3.19-20 Gn 6.1—7.24

caá. <sup>5</sup>Dios báadhndih wənnitdihbət ñífonit, ded pah ā peéh chājat pínahdih ā naóhbična caá. Páant ā naóhni yeó jáap queét yeejép chājnitdih “¿Dépanih tibeé wā wehdih yeejép ma chāj?” Dios ā niij jūihñuchah, queétboó ī jéih jepahcan niít. <sup>6</sup>Cáacwā ī wənat pínah játih Diohñ táini doonádih it joiijp taga. Pánih joiinjti biquína ī jepahcah, bitaboó it tui jepahap tají. Pánihna, jepahnitjiboó íih bácah ā wəñuchah yəhna, íih caolih Diosjeéh ā tui jumna caá.

#### Bitadiah ded pah teo wáacat

<sup>7</sup>Péeni yeó jáap ā toáh jūúwátdih náhnina, tui jenah joiinj, yeej chājat jenah joyát ā jūúwúchah, ñi jumah bojóó. Pánih jumnit, Dios ā náahat pah ñi jéih wəbhbična caá. <sup>8</sup>Bitadiah ñi tui míc oyat pínahdih yeebdíh búdí wā náah yacna caá. Pánih míc oinit, jwiítdih bita ī yeejép chājatdih íjcan, quíib bəndnit, jwí míc teo wáacbična caá. <sup>9</sup>Pánih míc oinit, bita Jesúh wā ñíih məwná ī jwíibínachah, yeejép jenah joiacánjeh, queétdih ñi wēi jwáá. <sup>10</sup>Dios yeéb biquínadiah ded pah ñi chājat pínahdih át jéihyanap taga. Páant ā jéihyanachah, ā wēhni wəpatjih bita Jesúh wáwdíh ñi tui teo wáacá. <sup>11</sup>Ded Dios naáwátdih naóhni Dios ā naáwát tútat pahjeh ā naáwá naáh. Ded bitadiah teo wáacni Dios ā wēhni wəpatjih ā teo wáaca naáh. Páant ñi chājachah ennit, bitaboó “Queét Jesucristofh wā ā wəpatjih ī míc tui teo wáacna caá”, niij naóhnit, Diosdih ī wēi naóhbična caá. “Meém caá chah Maáh. Ma wəpat ā bəndcán niít”, Diosdih páantjeh jwí niij wēi naóh jíh. Páant tíí ā jumə nah.

#### Jesúh wā yeejép ī yapat

<sup>12</sup>Wā oinitá, yeéb Jesúh wā túbit yeejép yapna, “¿Dépanihna weemdíh jeh yeejép ápi yap?” ñi niij jenah joiicá bojóó. Yoobópdih Jesús dñi ñi tui jenah joyátdih júutat tútat niijná, “Páant ā yapa naáh”, Dios ā niijná caá. <sup>13</sup>Obohjeéhtih, yeejép yapna yəhna, búdí ñi weñeé. “Cristobut túbit yeejép át yapjip taga”, niij jenah

joiinj, yeebbút yeejép yapna, ñi jéih wēibipna caá. Pánih wēinit, Cristo ā yeh iigátjih ā jwúub dei jūúwátdih nichat cáacwā ī enechah, bainí ñi wéican niít. <sup>14</sup>Yeéb Cristofh wā ñi jumat jíib bitaboó yeejép ī deoh naáwáchah yəhna, Diosboó áih Táini Espiritujih yeebdíh ā teo wáacachah, ñi weñeé. <sup>15</sup>Cáacwá dñi mao yohnit, nəmmnit, yeejép chājnit, bitaíh tewatdih en naóhnitbət ī jumat jíib yeejép ípi yapna caá. Yeebboó páant ñi chājca bojóó. <sup>16</sup>Obohjeéhtih Cristofh wā ñi jumat jíib yeejép yapna, tíccanjeh, áih wā ñi jumatdih wéina, “Túina caá, Paá”, Diosdih ñi niij weñeé.

<sup>17</sup>Dios jwiít áih wáwdíh peéh chājna, yeejép ā yapat tútutna caá, jwí túut nəmmát pínah niijná. Jwiítdih jwíh peéh chājna, áih wā jwí juməchah yəhna, ¿ded pah áih doonádih jepahcannit ī yapbi? Queétdih chah yeejép ā peéh chājbična caá. <sup>18</sup>Dios naáwátdih naóh yapaniji nin pah át niij naóh daacáp tají: “Tui chājnit yeejép ī yapachah yəhna, Dios queétdih ā tui wəbbipna caá. Obohjeéhtih, Diosdih náahcan, yeejép chājnitdih búdí ā peéh chājachah, chah yeejép ī yapbična caá”, át niij daacáp tají. <sup>19</sup>Pánihatdih jéihnit, Dios ā náahat pah yeejép yapna yəhna, bitadiah tui chājatdih ñi cáahca bojóó. Dios nihah chājni, ā niijátji pah péani ā juməchah, caán ā teo wáacatdih ñi jenah joií cáahca bojóó.

#### Jesúh wáwdíh waóhnit ded pah ī chājat

**5** <sup>1</sup>Bəw yeéb Jesúh wáwdíh waóhnitdih bainí wā naóh daacát túut caá. Weembút yeeb páh məntih Jesúh wáwdíh waóhni wā jumna caá. Cristo yeejép ā yapachah, enniiji wā jumna caá. Pánihna, yeh iigátjih ā jwúub dei jūúwáchah, ā wəpatdih ennit, búdí jwí wēibipna caá. <sup>2</sup>Dioh wā owejawə paníhni ī juməchah, queétdih ñi tui en daó bohénaá. “Queétdih wā bohéhcəh yəhna, ī wəwəchah, wā bohébična caá”, niij jenah joiicán, “Queétdih wā bohéat jíib weemdíh búdí ī jíib chājbična caá”, ñi niij jenah joiicá bojóó. Obohjeéhtih, Dios

\* 4.8 Pr 10.12; 1Co 13.7 \* 4.9 Ro 12.13 \* 4.13 Ro 8.17; 1P 4.1 \* 4.18 Pr 11.31

ã náahat pah, wēinit, ñi bohénaá. \* <sup>3</sup>Nihat jéihnit pah nihcan, jūihcan, táimijeh ñi bohénaá. Pánih bohéna, ñi bohéat pah yeebbát biíc yoobó ñi chājaá, queét yeebdíh í en yacat pínah niijná. <sup>4</sup>Páant ñi chājachah, Cristo, ovejawādih en daonít í Maáh jwúub dei jūóhnit, “Meémboó wíhhwādih ma túi bohénap be”, ã niijíchah joinít, búdí jwí wēibipna caá. Ājeéh jwí jumuchah, jwí weñat ã yaicán niít.\*

#### Jesúfhwā ded pah í chājat

<sup>5</sup>Yeéb japata Jesúfhwā, yeebdíh waóhñitdíh ñi túi jepahaá. Yeéb nihatbut “Weém nihat jéihni caá”, niíf jenah joicánjeh, ñi miíc túi teo wáacá. Dios naáwátdíh naóh yapani nin pah át niíf daacáp tajī:

“ Weemdíh dedé judhdad wihcan caá’, niijnítdíh Dios ã jāhna caá, í buujácat pínah niijná. Obohjeéhtih, páant niíf jenah joicánnitboodíh wēi ennit, ã túi teo wáacna caá”, \* át niíf daacáp tajī. (Pr 3.34)

<sup>6</sup>Pánihna, “Dios chah wēpni, nihat jéihñibut ã jumuchah, weém oboh jumni caá”, niíf jenah joinít, ded pah Dios ã wutuchah, ñi túi jepahaá. Páant ñi jumuchah, Dios ã ñioni yeó jáapdíh yeebdíh maáta pah ã waadábipna caá.\* <sup>7</sup>Ūumcanjeh “¿Dedé weemdíh ã yapbi?” ñi niíf jenah joicá bojoó. Obohjeéhtih, Diosdíh túi jenah joinít, ñi ūumatdíh caandíh ñi naáwá. Caánboó yeebdíh oinit, ã túi teo wáacipna caá.\*

<sup>8</sup>Túí jenah joinít ñi jumúú. Jíó nuñépdíh jeémíhna, ã ñuu ñuún péeat

pah, yeebdíh eníhcanni nemépwā í maáh Cristodih ñi cádahat pínah niijná, ã yee naáwátdíh ápi jepahat túutna caá.

<sup>9</sup>Pánihna, nihat baácdih moón Cristofhwā yeeb páh yeejép í yapatdíh jéihna, nemépwā í maáh ã yeenachah yahna, Cristodih túi jenah joinít, caandíh ñi cádahca bojoó. <sup>10</sup>Maátcanjeh yeejép ñi yapat túttimah, Diosboó túi oinit, yeebdíh ã teo wáacipna caá. Caandíh ñi túi jenah joí cádahcat pínah, bita yeebdíh yeejép í chājachah yahna, ñi túi yap yohat pínahbut niijná, yeebdíh ã teo wáacipna caá. Yeéb Cristofhwā biíc weh pah jumna, ájeéh páantjeh ñi jumat pínah niijná, Dios yeebdíh át ñiojip taga. <sup>11</sup>“Meém caá chah Maáh. Ma wēpat ã buúdcán niít”, páantjeh caandíh jwí niíf wēi naóh jífh. Páant tíí ã jumú nah.

#### Pedro ã péé túyat túutat

<sup>12</sup>Weém, Pedro, caán yeebdíh wā naáwátdíh Silvanodih wā daacát túutap be.\* Caán Jesucristodih túi jenah joiní jumna, wā ūud panihni caá. Páant niíf naóh daac wahnit, yeebdíh wā weñáíhna caá. Dios yeebdíh búdí ã oina caá. Pánihna, yeejép yapna yahna, caandíh ñi cádahca bojoó. <sup>13</sup>Nin Babilonia tútchidih moón Jesúfhwā yeebdíh í túyat túutna caá. Yeebdíh Dios ã ñiwatji pah muntih, queétdihbut át ñioji tagaá. Wā wūúh panihni Marcosbut yeebdíh ã túyat túutna caá.\* <sup>14</sup>Jesúfhwādih biíc weh pah jumna, ã oyatjīh ñi ūubú. Yeéb nihat Cristofhwā biícđih ñi túi jumúú.

Páant boojeh tiguaá wā naáwát. Pedro

\* 5.2 Jn 21.15-17 \* 5.4 He 13.20 \* 5.5 Stg 4.6 \* 5.6 Mt 23.12; Lc 14.11; 18.14; Stg 4.10  
\* 5.7 Sal 55.22; Mt 6.25-34 \* 5.12 Hch 15.22,40 \* 5.13 Hch 12.12,25; 13.13; 15.37-39;  
Col 4.10; Flm 24